

Naalakkersuisut peqquneqassasut takornariaqarnermi suliffeqarfiit ingerlatani nalunaarusiakkut qulaajassallugit, qanoq iliornikkut nunaqavissut inatsisitugit allaffisornikkut aaqqissuussaantigullu il.il sunniuteqarnerpaamik aaliangiisinnaalernissaat, nalunaarusiaq kingusinnarpaamik inatsisartunut agguanneqassaaq UPA 2023, inatsisartut aalajangigassatut siunnersuut.
(Siumut Inatsisartut gruppiat)

Isumaliutissiissut

(Nunanut Allanut, Inuussutissarsiornermut Niuernermullu Naalakkersuisoq)

Aappassaaneerpeqarnera

Naalakkersuisut sinnerlugit Inuussutissarsiornermut Aatsitassarsiornermullu Ataatsimiititaliaq qutsavigaara isumaliutissiissut peqqissaarullugu suliarisimammasuk. Ataatsimiititaliami ilaasortat amerlanersaasa siunnersuutip akuerineqarnissaanut innersuuteqarnerat Naalakkersuisut pitsaasutut isigaat.

Ataatsimiititaliap isumaliutissiissummi immikkut sammivaat takornariaqarnermut tunngasut, soorlu allanut tunngassuteqartut assigalugit, taakku aamma pitsaanerpaamik sinaakkusersorneqarnissaat pingaaruteqarluinnarpoq inuiaqatigiinnut annerpaamik iluanaarutigineqassappata, qaninnerusoq alisinnerusorlu isigalugit. Tamakku peqqutigalugit sapinngisaq tamaat annerpaamik nunaqavissut akuutinneqarnissaat qulakkeerneqartariaqarpoq.

Naalakkersuisut isumaqataapput nassuiaammi nunaqavissut akornanni takornariaqarnermik sammisaqartitsisut akornanni periarfissat pioreersut misissoqqaarneqassasut, taamatullu taakku akornanni nukittorsaanissamut periarfissat qanoq ittuunersut qulaajarneqassasut. Tamatumunngattaq ilanngunneqassapput avataanit takornarissanik isumaginittartut sapinngisaq naapertorlugu Nunatta aningaasaqarneranut iluaqutaasussamik ilapittuuteqarsinnaasassanersut.

Ikinnerussuteqartut oqaaseqaateqarsimanagerat naapertorlugu tassunga tunngatillugu oqaatigineqarsimasut Naalakkersuisunit ilisimavagut. Naalakkersuisut siunnersuummut tunngassutillit sammilerunikkit, oqaaseqaatigineqarsimasut nassuiaasiernerup suliarineqarnerani isumaliutiginninnerminnut ilanngutissavaat.

Taamatut oqaaseqarlunga Naalakkersuisut sinnerlugit siunnersuut saqqummiunneqarsimasoq Inatsisartunut kajumillutik sammineqartussanngorlugu innersuuppara.